

元元者妙也非妙不足以繼其道

天下有始章第五十二

天下有始以爲天下母既得其母以知其子既知其子復守其母沒身不殆

御註曰無名天地之始有名萬物之母始與母皆道也自其氣之始則謂之始自其生生則謂之母有始則能生生矣道能母萬物而字之則物者其子也通於道者兼物物故得其母以知其子多聞則守之以約多見則守之以卓窮物之理而不累於物達道之微而不失其妙則利用出入往來不窮可以全生可以盡年而無危殆之患

道藏輯要

道德真經
彭鶴林集註

卷三

心集七
八二二

碧虛子陳景元曰成者子也生者母也子者一也一爲沖氣乃道之子所謂道生一也一爲道之子道爲一之母道爲真精之體一爲妙物之用既得其道體以知其妙用體用相須會歸虛極夫人既知其妙物之用而復守其真精之體體用冥一感應不窮然後可以無爲而無不爲故能沒身不殆矣
頴濱蘇轍曰聖人體道以周物譬如以母知子了然無不察也雖其智能周之然而未嘗以物忘道故終守其母也

臨川王安石曰一陰一陽之謂道而陰陽之中有沖氣沖氣生於道道者天也萬物之所自生故爲天下母夫物芸芸各歸其根歸根曰靜靜曰復命則得以返其本也故曰復守其

母也

達真子曰萬物以天地為始天地以道為始是天下之始莫不始於道也唯天下莫不始之於道所以為天下之母也凡萬物之所資生者母也凡萬物之所資息者子也以道為母則天下資生於道者皆子也是以既得其母以知其子矣以其有復歸於無以其動復歸於靜則有之者無終窮動之者無危殆故曰既知其子復守其母沒身不死言體道之反本者能然也

黃茂材曰天下之生林林如也推其始必有生之者焉經曰有名萬物之母此其始生者也故為母萬物其子也得其母

道藏輯要

道德真經
彭鶴林集註

卷

心集七

而守之則是生我者常存而我生者不失矣故能不死塞其兌閉其門終身不勤開其兌濟其事終身不救

碧虛子陳景元曰兌目也緘無厭之目則諸境自絕矣門口也杜多言之口則眾禍莫干矣諸境自絕則嗜慾之源塞眾禍莫干則云為之路閉如是則恬澹安逸而終身不勤若乃不守母道者開其愛悅之源而弗塞則嗜慾之情長矣通其云為之路而弗閉則禍患之事濟矣如是則憂苦危亡而終身不救也

王雱曰兌悅也人悅則形開矣故為兌兌則物入之矣門者精神之所出也外見諸理形開以受之而復出精神與之為

構則擾擾萬緒自此始矣故當塞兌閉門常守其母也塞兌閉門以外應物則酬酢萬變而用常有餘兌開物入而復費精神用以濟事則以內徇外逐物往矣一溺此流誰能救之哉

道真仁靜先生曹道沖曰兌澤也在人爲口與舌禍福樞機不可妄發門謂語言視聽情念也吉凶之應出入於此故閉之也有道者掩扉塞兌終身不勞

清源子劉驥曰經所謂閉塞命門保玉都是也內景不出外景不入其氣自定其神自真其神既真則性入自然與道爲一以挈天地以襲氣母而入於不死不生故終身不勤若開

道藏輯要

道德真經
彭鶴林集註

卷

心集七
八十一

其喜悅之源而弗塞濟其愛慾之事而弗閉則物誘於外而情動於中氣亡液漏精散神去所以役役不見其成功故終身不救

見小曰明守柔曰強用其光復歸其明無遺身殃是謂襲常

御註曰小者道之妙見道之妙者自知而已故無不明柔者道之本守道之本者自勝而已故無不強明者光之體光者明之用聖人之應世從體起用則輝散爲光攝用歸體則智微爲明顯諸仁藏諸用如彼日月萬物皆照而明未常虧所以神明其德是也物之化無常也惟復命者遣物離人復歸於明而不與物俱化故體常而無患

老子子傳元曰此兩防於未萌治未亂曰柔順則物不能加可謂強矣見微小則事不能昏可謂明矣此有智照也智之外故外照而常動動為物之用明者慧也慧主內故內景而常靜靜則為己之體夫智照出則慧主反則歸理是以用歸體故曰用其光復歸其明不役智於外而守慧內景復明之未萌而歸于母之元故無殃是謂密用常道者定

經須蘇轍曰夫耳之能聽目之能視鼻之能嗅口之能嘗身之能觸心之能思皆所謂光也蓋光與物接物有去而明無損是以應萬變而不窮殃不及於其身故其常性湛然相襲而不絕矣

道藏輯要

道德真經
彭鶴林集註

卷

心集七
八二

臨川王安石曰見小曰明者微而見之則可謂之明見於大則不足以謂之明故曰見小曰明至柔馳騁天下之至堅也故曰守柔曰強用光復歸其明者蓋光者明之用明者光之體言強則知柔之為體言明則知光之為用唯其能用其光復歸其根則終身不至於有咎而能密合常久之道故曰無遺身殃是謂襲常

陳象古曰常人忽於小而重於大千雲之木起於葱青千里之塗始於足下此見小之義也預識先知非明而何揉曲木者不累日銷金石者不累月此柔弱勝剛強之義也光者照

於外者也明者內自照者也用其光則知其子是也歸其明則復其母是也

黃茂材曰漢世尚黃老有父老者獨深得其道蓋公諸人皆不及也惜乎史失其名龔勝之死有父老來弔甚哀旣而曰嗟乎薰以香自燒膏以明自銷龔生自天天年非吾徒也遂趨而出莫知其誰

使我介然章第五十三

使我介然有知行於大道唯施是畏

碧虛子陳景元曰畏其不合於古道也

頴濱蘇轍曰體道者無知無行無所施設而物自化今介然

道藏輯要

道德真經
彭鶴林集註

卷

心集七
川上

有知而行於大道則有所施設建立非其自然有足畏者矣道真仁靜先生曹道沖曰介然謂凝寂不動長守大道無爲而已凡有所爲者雖曰善動至人之所畏也

達真子曰介者纖介之謂小有知於大道猶唯施是畏况大有知者乎

清源子劉驥曰知之淺矣使我介然有知己非道之妙若有所施爲則尤非自然

黃茂材曰夫道不可以智知不可以力行無所施設作爲今有介然有知是以智知之行於大道是以力行之唯施是畏是有所設施作爲不亦可畏乎